

SONCHUS QUERCIFOLIUS. Tab. 213.

SONCHUS caule fruticoso ; foliis cuneiformibus , margine lobatis ; lobis remotis , acutis , dentatis , terminalibus ternis.

CAULES fruticosi , 3—6 decimetr. , ramosi , carnosì , rudimentis petiolorum exasperati , crassitie digitum aut etiam pollicem adæquantes. Folia sparsa , glauca , glaberrima , subcarnosa , cuneiformia , perennantia , in petiolum decurrentia , 1—2 decimetr. longa , 2—5 centimetr. lata , utrinque lobata ; lobis acutis , remotis , dentatis dentibus apice niveis ; terminalibus ternis ; intermedio majore. Petioli conferti , superne plani , amplexicaules. Rami floriferi terminales , dichotomi , striati , glabri. Squamula foliacea ad basim singuli pedunculi. Flores laxè corymbosi. Pedunculi inæquales , squamulis raris vestiti , uniflori. Calyx cylindricus , laxè imbricatus , glaber. Squamulæ exteriores latæ , ovatæ , foliaceæ , apice albidæ et emarcidæ. Diameter floris 5 centimetr. Semiflosculi omnes hermaphroditi , lutei , lineares , calyce duplo longiores , apice denticulati. Stamina 5 ; antheris connatis , flavis. Stylus 1. Stigmata 2. Semen oblongum , glabrum. Pappus sessilis , simplex , niveus , villosus. Species pulcherrima , singularis et omnino distincta.

HABITAT in montibus Cafsæ. 5

SONCHUS ANGUSTIFOLIUS.

SONCHUS foliis glaucis , glabris , linearibus ; pinnulis distantibus , denticulatis.

RADIX longa , fusiformis , crassitie pennæ anserinæ aut minimi digiti , radículas fibrosas undique emittens. Caulis nullus aut brevis. Folia glauca , subcarnosa , glaberrima , 1—2 decimetr. longa , linearia , glabra , pinnata , pinnulis remotis , inæqualibus , dentatis ; dentibus emarcidis et albidis. Pedunculi uni aut multiflori , squamulis rarioribus conspersi , foliis breviores. Calyx glaber , ovatus , imbricatus. Squamulæ exteriores ovoideæ ; interiores ovato-lanceolatæ , sæpe mucronatæ ; mucrone albedo , membranaceo. Corolla lutea , magnitudine S. arvensis Lin. Semen non vidi.

HABITAT prope Cafsam. 7

SONCHUS quercifolius.

pag. 225
213.

